

Ո Ր Ո Շ ՈՒ Մ

Վարչական վարույթը կասեցնելու մասին

«29» նոյեմբերի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով ՀՀ քաղաքացի Սոս Լյովայի Մարտիրոսյանի (ծնված 05.03.1981թ.-ին, անձնագիր՝ AL0308446, գրանցման հասցե՝ Սյունիքի մարզ, Մեղրի համայնք, գ.Լեհվազ, 3-րդ փող., տուն 32) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2023 թվականի նոյեմբերի 26-ին՝ ժամը 14:30-ի սահմաններում, Իրանի Իսլամական Հանրապետությունից Հայաստանի Հանրապետություն ժամանած ՀՀ քաղաքացի Սոս Լյովայի Մարտիրոսյանի (ծնված 05.03.1981թ.-ին, անձնագիր՝ AL0308446, գրանցման հասցե՝ Սյունիքի մարզ, Մեղրի համայնք, գ.Լեհվազ, 3-րդ փող., տուն 32) կողմից շահագործվող «37X0045/44D444» պետհամարանիշի տրանսպորտային միջոցի նկատմամբ «Ագարակ» պետական սահմանի անցման կետում իրականացված մաքսային զննման արդյունքում Հարավային մաքսատուն-վարչության Մեղրիի մաքսային կետ-բաժնի աշխատակիցների կողմից հիշյալ տրանսպորտային միջոցի բեռնախցիկը ծածկելու համար նախատեսված տենտի մեջ՝ փաթաթված վիճակում, հայտնաբերվել է մաքսային հսկողությունից թաքցված 1300 տուփ ծխախոտ, որից 400 տուփը «Marlboro fine touch» մականշմամբ և դրոշմավորված «ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ, ԱԿՑԻԶԱՅԻՆ ԴՐՈՇՄԱՆԻՇ, ՆԵՐՄՈՒԾՎԱԾ ԾԽԱԽՈՏ» գրառմամբ ակցիզային դրոշմանիշներով: Նշված դրոշմանիշների՝ «TAX STAMP» հավելվածի միջոցով ստուգման արդյունքում պարզվել է, որ դրանք առերևույթ կեղծ են:

Փաստի առթիվ ՀՀ քաղաքացի Սոս Լյովայի Մարտիրոսյանի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ վերոնշյալ ապրանքը, որպես իրավախախտման անմիջական օբյեկտ, «Մաքսային կարգավորման մասին» ՀՀ օրենքի 327-րդ հոդվածին համապատասխան վերցվել և ի պահ են հանձնվել Մեղրիի մաքսային կետ-բաժնում:

Հաշվի առնելով, որ տվյալ դեպքում առերևույթ առկա են ՀՀ քրեական օրենսգրքի 289-րդ հոդվածով նախատեսված հանցակազմի հատկանիշներ, այն է՝ «իրացման նպատակով կեղծ ակցիզային դրոշմանիշ կամ դրոշմապիտակ պատրաստելը, պահելը, տեղափոխելը, առաքելը, ձեռք բերելը կամ դրանք օգտագործելը կամ իրացնելը»՝ ղեկավարվելով ՀՀ քրեական դատավարության օրենսգրքի 176-րդ և 178-րդ հոդվածներով՝ առերևույթ հանցանքի մասին պատշաճ հաղորդում է ներկայացվել նախաքննություն իրականացնելու համար: Հիմք ընդունելով այն, որ անհնարին է մաքսային կանոնների խախտման վերաբերյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը՝ ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին կետի ա ենթակետով, վարչական վարույթը ենթակա է կասեցման:

Ելնելով վերոգրյալից՝


Ո Ր Ո Շ Ե Ց Ի

1. ՀՀ քաղաքացի Սոս Լյովայի Մարտիրոսյանի նկատմամբ սկսված վարչական գործի վարույթը կասեցնել:

2. Որոշման մասին հայտնել ՀՀ քաղաքացի Սոս Լյովայի Մարտիրոսյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ